

ընկերացիք եւ զայլ սօֆէսդից մասնաւորաբար ունին եւ ի սկզբանէ ի միմեանց ուսեալք զկերպ ի փորձելոյ: Եւ յայտնապէս ասեմ եւ ոչ ամաչեմ, նախանձ դասուց վերձանողաց առատ է քան զաղօթս նոցա՝ մանաւանդ նուաստից եւ մեծամեծաց: Եւ զայս զրելով իմ՝ ճշմարտասէրք պարտին սիրել զիս եւ ոչ ատել: Եւ ոչ ասեմ թէ ամենքեան յայդմ ակտի դեգերին, այլ ոմանք: Այլ գրեցի քեզ՝ զի մի՛ ամբարհաւածիցիս կամ զնուաստութիւնդ ծանուցես դոցա: Այլ մի՛ շրջեսցիս յարկաց յարկս իբր զմուպթէզէլ մոնթ եւ կամ որպէս զխլխուկ խաբեղայ: Եթէ հարցանիցեն զքէն յերկինս ի վեր եւ յերկիր ի խոնարհ, Ունիմ, ասա՛¹⁾, զաւանդ ի հօրէ իմմէ՝ զտգիտութիւն խոստովանիլ միշտ, ունիմ զպատուէր ամենեցուն ձեզ ըստ տեղւոյն եւ ժամանակին խորհիլ որպէս տեարց, եւ այս վասն բազում պատճառաց՝ զարիպութեան եւ անտիրութեան եւ ի տար աշխարհի, եւ վասն հրոյ բորբոքելոյն, որպէս կարծեն տգէտք՝ թէ զմեզ ի հարաւային կէմէ, որպէս տեսեր ի վերայ գերեզմանին Տեառն Յակոբայ հաւուն խափանել զգանձասացութիւն մեր ի դառն մախանաց²⁾ յանգիտութենէ մուխալ: Եւ յետ այսօցիկ լսել մեզ մարգարէիւն ձայնին Աստուծոյ թէ ես յո՞ հանգեայց³⁾: Եւ առաջին մեզքն էր հպարտութիւն, եւ վասն այն եկն Տէր մեր զի խոնարհութեամբն յաղթեսցէ գոռոզացեալ բռնաւորին, որպէս հնչէ փողն (պարապ) թէ Որ ի կերպարանս Աստուծոյ էր՝ զկերպարանս ծառայի էառ. որ եւ պատուէր թէ Դուք կոչէք զիս վարդապետ եւ տէր եւ բարիօք առնէք, քանզի եւ եմ իսկ, եւ Որպէս ես ձեզ արարի եւ դուք միմեանց առնիջիք. եւ՝ Որ կամիցի ի ձէնջ մեծ լինել՝ եղիցի ամենեցուն ծառայ: Բազում՝ զորս

1) ասէ.

2) մախանայ.

3) հանգեայց.